

崇雅堂詩鈔

崇雅堂詩鈔卷七

仁和 胡敬 以莊

不到西湖十七年矣癸未春重來湖上亭榭荒圯游觀之
盛迴不如前感成二律

寂寥如此聖湖涯莫更銷金往事誇西子有情還對鏡東皇無
力爲催花雲煙變滅空王宅靈隱寺近
焚火花木陰森處士家孤山新栽
樹數百本欲道

重來風景異山靈嘲我鬢絲華

酒鑪茶竈減從前剩有長隄一道連柳老似人將倚杖葑多干
水已成田丹青林壑仍開幃金碧樓臺總化煙我亦歸同華表
鶴擬招鷗鷺伴殘年

題禹航嚴堪忍先生遺像

先生名武順禹航三嚴先生其次也像爲謝文侯彬寫幅巾攜

杖不布景卷首先先生隸書如身相將四字蓋送其子灝亭司農計偕北上貽此圖以示誠者讀跋語有惜此七尺保此方寸如玉無瑕如器無闕如女子未字終云予此身得至今日者以少時無變童季女之溺每自堅忍故尚能留鬢眉餘白於人閒可謂深切矣圖凡三跋今止存一八世孫杰出以見示卽用卷中亡友許周生駕部韻題而歸之

孝廉船輕何所有圖摹老人節在手自書跋語以身教庭誥如斯真善誘鍾王遺蹟二百年兩跋通靈不脛走今存當是最先跋詞意丁寧理分割乃知家訓傳北齊語未才人脫窠臼昌黎但教取卿相筆力龍文膏瓦缶傳聞卷失復得之合浦珠還事非偶司農保身信明哲鄉譽今猶述耆耄奈何流俗志趣卑徒謝黃金印懸肘第三跋更戒擇交管鮑人稀休自負嗟嗟明季

交態惡士總蠅營兼狗苟就中豈無卓犖輩外逐紛華忘內守
後來幾復社縱橫結習東林禍其首時無君父有僞朋言係前
朝一關紐當今有朋友無君父亦止有僞朋無真明須於朋友一倫忍情刪正始得爲忠臣
孝子蓋第三段中語也今已失去其畧述於族元孫源澤後跋中猶得見梗概云
拈毫垂訓送將別想象吳江楓落後保身能慎交友履人海中
嘗得天牖凡爲子者能稟此可挽澆風返醇厚不殊清夜鳴晨
鐘大鳴小鳴隨所叩邀題休怪久延擱讀萬過期言上口還君
珍重什襲藏莫露光華射牛斗

依然

僮僕歸來笑我貧庭除供役竟無人依然二十年前況自把茗
枝自掃塵

斗覺霜毛一半加文園消渴有些些依然二十年前況自揀松
枝自煮茶

沈聽篴曾經滄海圖

風平旭日扶桑催樓船萬斛揚帆開沙明雲斂海如鏡豈有雪
浪高成堆天吳與海若默護齊銜枚長鯨潛形老蛟臥但見瓊
樓貝闕山崔嵬其中仙人不知數靈旗舒卷光徘徊各各還循
吏歎息何遲來君時綠鬢正年少庭闈萬里身追陪掉頭不是
孔巢父又非訪成連若士三山隈坡翁渡海子過侍臺陽之遠
逾瓊雷廈門旣非廈臺陽亦非臺島夷拉雜互市喧厖火齊燭
照夜光珠胎珊瑚沈沈海底栽稻歲三熟穰不災人言到此卽
仙吏金銀氣聚成蓬萊乃翁大笑我豈若高視若輩眞塵埃但
飲滄海水不載沈香迴暇時課兒讀學句手自裁歸裝絕少惹
苴猜至今清節著海外綠蕉紅荔亦仰翁栽培君歸作圖匪自
詡絜養取義同蘭陔廿年前屬我題句舊稿散佚隨飛灰君今

蓬萊境親到以較所見何如哉難乎爲水在觀海補詩慚媿斜
川才

龐瘦生眠琴綠陰小照

一絲楊柳一抹煙春陰如織春風妍空山無人境太古身坐萬
仞丹崖前下有輪囷磊砢之盤石上有屈曲噴瀉之飛泉高山
流水足幽韻柴桑自可琴無絃彈不勞美人指負不藉奚奴肩
茸茸芳草地澹澹斜陽天玉壺添箇買春具醉倒便好同琴眠

周南卿雪屋譚詩圖

蕭屑空階折竹聲一燈如雪照帷明情知蓑笠寒江句不向銷
金帳底成

風雅何曾近寂寥陽春有曲奏層霄若從冷澹尋生活驢背人
須寫灞橋

雨中集汪小米一房山觀瀑

看山看水嬾出郭借君園林臥游足君家山水太崛奇不貯園
林貯軒屋奇峯環列虛其中有軒橫跨池中通前池屋覆後池
廠碧沙文石魚浮空我來恰逢梅雨注冒雨招看飛瀑處書生
快意在一時翹首呼天雨休住大龍湫小龍湫池分高下彎環
流石梁瀑石門瀑天台枯蒼景交錯銀河倒瀉水千斛此水原
從天上落人生何處無奇觀壺中九華奇一般畧施新意借天
巧方丈室已滄溟寬須臾雨止繁聲息石罅微流尚涓滴一堂
涼氣撲生衣量取池波長三尺山水年來寄興長山看白岳水
濠梁還鄉付與蘧蘧夢夢覺泉聲滿枕旁

集小米靜寄東軒送扶雅之吳門

餞君無計阻君行敝僭東軒話別情老尚傭書憐我輩分難閉

戶笑儒生賦游怕遠因歸省籌養期豐豈好名今日尊前判盡
醉忘機人世止鷗盟

題李海帆觀察海上釣鼈圖卽送其運漕北上

我家東海濱我生未觀海聞道魚龍出沒多珠宮貝闕搖光彩
先生游自海上還壺嶠到處窮奇觀興來寫抱入圖畫萬斛未
喻胸中寬天風吹瀾瀾紫色蜃氣樓臺消頃刻九牛連得十五
鼈想見鼈身映天黑天吳匿影海若逃破碎珊瑚網翻鮫綃欲乘
風去意態豪一竿笑挂扶桑高眼前盧敖那足齒聊借寓言拈
列子太白當年賦大鵬風格峻嶒有如此鯨吞鼉作概不侔蒼
生望公爲直鉤海涵山負才遠舉蒼生望公作霖雨卽今通漕
籌飛芻轉運畫策還陳謨篷窗暇倘有傑作煩寄煙波舊釣徒
題小米松聲池館勘書圖用吳子律韻

水軒涵碧眞滄浪松陰坐展千琳琅叔度之度何汪汪手披古人書心與古人遇古書例單行漢志別章句以注附經娛俗目何異遵塗雜川陸釋文宗漢古訓多散入經下譌沿譌傳鈔遺脫兼舛錯足本誰復窮蒐羅

國初崑山有專刻影宋志亦勤編摩後重校勘賴盧氏問奇客每巾車過肯和類隔論入細證及自敗殊敗佗

語見盧文弨釋文考證

辭繁那

免偶疏畧要已大旨無偏頗就中撫拾遺義娥正貴後賢尋斧柯師承孔賈嫌唯阿后倉與凡將次第到千祿几陳萬編讐不足許綠紉紅忍隨讀書聲半夜雜松聲五粒搖風天雨粟孝先起行自捫腹

夏日莊芝階招集竹爽軒分得人字

先秋涼意借軒筠圖史安排絕點塵門外沙明波浩蕩檐前楓

老幹輪囷何妨揚子爲詞客

秋士近著方言補而性不喜詩

未礙康成是酒人

芝蘭精漢學而

樂媿我冷吟閒醉外更無竿木可隨身

錢蕙窗招集江月松風草堂分得茶字

十詠清新擅作家

蕙窗出示錢思復江月松風草堂集足本集中定山十詠最著名

草堂詩好付麻茶勝游

佳侶移蘭棹

是日諸秋士孫雨人莊芝蘭泛舟至

後會先期訂桂花

小米有商鮑增看桂之訂

居與山隣增

畫靜歸因城限覺途賒眼前惜少陳無已聽鼓官齋水一涯

秋日許玉年招游理安寺分得竹字

曉行先陽烏泄露草如沐取徑嶺雙盤到門溪一曲秋花放溪
口古寺藏山腹一身溼涼雲四面擁脩竹山門倚巖開山亭對
溪築過橋路斜通入寺磴高矗傑閣建層椒憑欄騁遐矚峯峯
列鬟翠牖牖霏蛾綠赤日澹無暉丹霞近堪掬不緣仙境造那
解塵世濁層出境不窮延賞情更屬引入入勝處低在山之麓

佳境取次登高愛山迴復居然兩美合豈止一夔足主人興方
豪邀客山中宿樓頭月初上缸面酒新熟亦知夜景好其奈人
事促太息我生勞健羨公等福歸途趁斜陽山靈應笑俗

閨七夕詞爲許君脩作

天邊依舊錦裁雲才盡河東乞巧文同是相逢便相別經年經
月雨何分

河仍清淺漾微波兩界東西徧種荷一節一莖花一朶數來花
較去年多

露華涼沁五銖衣榆葉天邊望影稀要刺十三翎入錦駐雲貪
看鳳凰飛

仍是金風玉露朝雲輶還向絳河邀就中最苦惟靈鵲毛羽全
稀怎駕橋

碧月依然照影斜
晚香吹上五雲車
來遲惱煞牽牛待
招赴姮娥賞桂花

鴛機辛苦債相仍
償盡人閒願可能
翻把黃楊祝河鼓
癡宜年減不宜增

鈿盒深閨又一時
綴同心綢莫教遲
者番贏得蜘蛛窘
重索枯腸未盡絲

容易蓮花漏水盈
夜長無那又天明
回車等是瀟湘雨
減卻梧桐葉數聲

八月二日招同人集報國院池上

小閣臨池爽長廊
闢境幽吟懷都向
雨禪味最宜秋竹
翠濛濛合茶煙淡
淡浮山僧蔬筍俱
招客此句畱

田居四首

昨歲苦淫霖禾麥雨不熟畱養無雞豚恐奪口中粟出門一片
水蛙黽生滿屋朝來典寒衣換得數升穀天寒那及計聊飽一
餐粥忍死守妻兒恥去爲奴僕天時有乘除禍福相倚伏榆皮
與蕨菜聊采果吾腹

昨歲愁餓死今歲欣豐收天如慈父母罰暫警惰媮雨暘一以
時黃雲被千疇種壺旣鬱鬱藝葵亦油油曉從江岸來木棉過
人頭穠穠穀倍數毒此瑞踰成周妻孥笑語我高廩宜早脩秫
收不須糴畱以供酒甌

昨歲廩無儲今歲樽有酒農夫仰天笑鼓腹還額手是非天降
康家室亦何有歡聲聽烏鵲得色見雞狗卹災荷

皇仁議賑家計口緩輸到玉粒可暫非可久償公次及私畝尚
餘升斗歸來問老妻寒衣製成否

昨歲婦敗絮今歲兒新襦愁歎在不足歡愛生有餘春梁旣粲
粲織布還靡靡梁春自可飽豈必珍盈厨布麗自可衣豈必羅
裁裾納租入城去昔壯今老夫幾年人事改華屋成荒墟借問
華屋人身死妻亦殂何如課兒子長守田中廬

汪秋田柳岸扁舟圖

綠楊如畫草如煙正是江南二月天鶯語數聲鷗夢醒曉風吟
出柳屯田

嬾設琴樽與釣筍不施雙槩不遮篷春雲面面看無礙兩岸東
西只任風

孫雨人席閒出宮僚雅集銀杯飲客用竹垞先生朱碧山
銀槎歌韻兼餽小米

主人好客出酒器精鏐一一光照顏梅花製式小加大合十其

重剛五鍔

杯大小凡十相要即通雅所稱齊杯

當時宮僚較今夥論德左右階未刪是杯

官閤惜不署杯底深刻名爛斑

以飲量大小鑄名標心首湯試末王士正

界烏外各狀人物

其細如髮痕微簡風流什襲想諸老秋譙窯廠看河灣

黑窯廠秋雪大通河二爾

春水爲都人游戲之所

鐵厓雖豪未免俗鞅杯浪詡擎雙鬟何如竟文文字飲

蛾眉月子歌彎彎談經說詩雜諧謔僊僊醉舞衣翩翩流傳迄

今百餘載筵前景仰同斗山睢陽洪量那可及小醕差勝漁洋

艱分曹計戶費斟酌置我應在廉讓閒卻思儒林與文苑量易

追企才難攀我聞是杯人異製其九可尚畱塵寰未知工又作

何樣安得劍向延津還祇愁先後羽化去遭毀不第埋荒菅可

憐長安二三友寒臥目似鰓魚鰓尋常燕市足酒債雅集無計

漸清班十人重固又今夕

冬日小米集同人仍以是杯飲客恰得十八

姓氏佗日知誰嫺摩

挈徧飲竟沈醉歸路幸免車閒關

鵲鴿化鵑行爲諸暨陳烈婦作詩

烈婦名鳳姓陸氏諸暨陸家灘人年十六適縣卒陳維章甫三月而難作婦幼嘗許字同邑方曰琴方有兄以龍偵知婦美謀自娶作蜚語聞諸弟弟遂與婦氏絕而別娶於李婦氏爭之不得直乃更歸女於陳以龍謀不遂控邑宰誣婦曾受已聘者宰不察斷歸以龍鞠旣具以龍率諸無藉卽堂上劫婦去途間擲身於池不得沒藏翦於衣不得出比至方家怒罵悲號凜不可犯以龍屬弟婦李爲守護婦備述前絕婚冤李亦含憤婦絕粒五日竟偕李同雉經死嗚呼方氏子行侔梟獍若烈婦真不媿鳳其名彼李氏亦抗志足與鳳羣者已爰演禽言作新樂府以表著之

鵲鴿原上鳴兄弟其急難倏變作雉飛求雌旦復旦 作雉還

學子生言金卷一
作鳩妬鵲巢樹頭計使鵲逐婦讒婦爲鵲鵲奪巢巢以圻鳩
也作反舌本未成鴛鴦遭讒兩決絕文鴛旣非偶嫁雞當逐
雞反舌訴之鴈獄黑鳥夜號九鴈職司民沈沈飲榼醉謂是
鵲與鵲如何匹生翠禿鵲怕蒼鵲打便東西飛鳥衣似舊巷
華山非故機指岱爲華山張機陷黃鵠一燕一伯勞那得同
巢宿伯勞託雁侶伴鵲爲鳩媒黃鵠向白雁冤訴聲悲摧
銜石精衛冤挂樹子規死行不得哥哥天其諒人只爾鳩教
逐婦陽逐陰喚之有婦不待逐雙挂連理枝反舌爾鵲張巢
焚爾完否斫彼連理枝懸爾怪鵲首隨鴉悔失計殉鵲含苦
心甘從死青鸞不逐生鵲鵲

冬日集吳山元慶山房

忘卻青山有城隔恍疑路可六橋通林陰不許遮檐外湖淥全

收入璣中重又圍爐開士宅記曾對雨梵王宮哀鴻滿野鯨波

闊太息江淮杵杳空

是日見孫制軍奏
銀河堰水決指子

集居閣坐雨

愛花先雨至高閣寂無人山雨灑然過林花分外新雲鬢沈古
利煙水盪寒春轉眼韶光老長隄徧麴塵

社日同人雨中湖泛

同是粉榆影裏身玉壺忍負可憐春船頭獨自支筇立妝點煙
波有醉人

春寒殘雪滿山坳花信遲看二月交園杏未開梁燕至好圖雙
翦上梅梢

此日陰晴屬社公召雲無賴是東風短篷亂打蕭蕭雨欺我年
來兩耳聾

莫嫌蹤跡狎鷗羣
柳又拖黃草又薰
珍重金尊休放手
一年春色正平分

殘梅

一斛眞珠一笛風
深林寂寂水融融
肌消冰雪空山裏
夢冷羅浮落月中
點額有情飄鏡檻
洗妝無語倚簾櫳
峻嶒骨格娉婷影
較似羣芳尚不同
消瘦容光不自持
珊珊猶擅出羣姿
詩懷杜牧重來日
風韻徐娘老去時
雨意纏綿春過半
粉痕狼藉客探遲
餘寒畱得芳心在
貪睡初開有北枝

花朝日集樊桐館卽事

嫩寒微暖近清明
芳草池塘取次生
中酒情懷春澹沲
養花天氣晝陰晴
擘箋往歲吟成集
剪綵今朝醉有名
同上東皇千萬

壽金鈴箇箇鼓聲聲

乙酉花朝同人集舍弟樊桐館小米攜朱碧山銀槎見示
卽以飲客同賦長歌

新

槎重十兩款至正乙酉朱碧山造八字正書今藏魏孝廉倉伯
家按竹垞老人孫少宰席上所賦與此同乙酉製而款識多寡
不同詳見楊注曝書亭集楊據苑西集謂元時虞揭二公各令
碧山製槎爲壽是同時槎有二也又據居業錄謂孫侍郎北海
宋按察荔裳皆藏銀槎一荔裳詩云背鏤至正王寅字考乙酉
爲至正五年王寅爲至正二十二年虞伯生卒於至正八年揭
曼碩於至正初爲宋遼金三史總裁官尋卒王寅所製虞揭無
由及見竹垞詩不詳製時年分玩篇中虞揭獻酢語其非王寅
所製可知荔裳詩以北海亦藏有槎故特紀年以示區別在孫

爲乙酉在宋爲壬寅是近時收藏槎又有二也此槎證以漁洋江村所紀均不合然形製奇詭酒入則罅隙皆到若沈湎人關竅毛孔拂拂都有酒氣非近代俗工所能規仿意當日虞揭首創此好事者多踵而爲之故流傳至今所見互異耳

百花生辰集羣友小雨朝晴日穿牖汪君風雅早見過一櫝奚奴擎在手開看語我是銀槎朱碧山名滿人口當元至正之五載造此歲剛逢乙酉至今四百八十年歲歲春風吹不朽旃蒙作噩屈指計花甲八周又開九歲躔今適同幹支把翫真宜設漿酒銘文多寶質輕重所見知殊竹垞叟太鴻篇中述詩句槎腹摩挲此無有良工製器無定形鉅細都關匠心剖田瓜有觥雖異製攜伴此槎亦嘉偶竹垞集有朱碧山銀槎田瓜觥枝枝節節盡通透鑿空人來千載後鬢眉飄忽態褊褊仰臥披襟露雙肘手無支機一片

石未到明河故昂首明河之水倘可釀挹取還應勞北斗漉糟
便借雲錦裳想象蒲桃味輸厚此中灌注足千斛漫晒如觚但
升受銀光分得自明河草芥人閒古尊卣是時虞揭已老去文
譙爲誰陳左右若非迂倪定老鐵笑問喚杯得如否無何鋒鏑
滿江南盜括嘉禾財賦藪宮中刻漏方自製那計萑苻集羣醜
嗚呼淫巧由上心區區一槎安足咎沈埋爾日定何處免與固
姑同北走可憐飲器剩頭顱詔葬深仁荷明后儒生卽物動感
慨多言曉曉供覆瓿風光如此不盡觴孤負春城好桃柳鯨吞
筍吸互傳送餘汁淋漓溼袍綬價高欲買苦無貲醉客明朝仍
瓦缶但願如槎花歲開持酌風前爲花壽

送孔蕪浦先生還曲阜時歸自臺陽

詩到公門欲和難況經滄海濯波瀾雲從泰岱山中出日就樽

桑樹下看紅荔綠榕添畫藥兩峯三竺徧游鞍棗花風裏歸程
緩絲竹堂深夏亦寒

洋繡毬花

何年遺海外毬樣訝依然鯨浪染成碧颼風吹更圓錦看倭女
製月想柁樓懸解帶朝霞色還應讓杜鵑

夏日雨人招飲

塵俗消除熱惱空鋪階書帶草青蔥榴英豔展徐楊畫麴味清
含魏晉風詩句別開生面好花時常與素心同未須投轄忘歸
去街鼓頻催夜向中

芝階招飲出繭扇示客卽席有賦

取蘇軾之將上張蒼置綉扇上繭依扇
樣反覆成繭如扇光如鏡名曰繭扇

把同明月影團藥依樣葫蘆也耐觀大可筆題光勝紙未經梭
織巧成紈兩層通透真連理千縷纏絲爲合歡祇恐到秋仍棄

置賺伊絲盡太無端

題方柳坪小影

君家與我居東里街北坊南巷頭尾雙扉白板面東開門外沙

河波瀾瀾疇昔問字嘗停車馬纓兆夢重作花

外舅施鹿珍先生館君廬余以從學數過促齋前有

馬纓花老且朽野雨誰伐之其文外以夢一人髮眉皆貌奇韻曰余馬纓花也以不作

祇今

舊廬已易主車過感舊徒興嗟憶識君時君鬢綠鵲立亭亭貌

如玉星移物換四十秋老去瞿曇面皮蹙京華薄游年復年歸

來笑我貧如前已諳作宦惟飲水休道賣文還值錢同伴回思

幾人在幼能達觀輸大戴

謂金溪大冠

世味嘗來嚼蠟如君先味喻酸

鹹外將君較我意差強禽尙中年已願償病婦暇同脩白業佳

兒才足守青箱妻孥我累何時了聞道平生苦不早手把摩尼

一串珠學君坐向蒲團老

題山舟學士書鶴巢讌集詩用卷中堇浦前輩韻爲姚石巢作

林鶴去不返園仍拓地寬耆英此高會瀟灑共揮翰墨瀋今畱石風騷舊築壇蘭亭餘繭紙幸未卷飄殘

才名姚合著仙舉悵迢迢令子菟裘守清裁鶴骨標巢難歸化羽詩竟獲遺瓢示我百回讀天寒永此宵

沈聽篁臺花圖

圖除父所開花凡十三種若梅若荷若桂若山茶備四時然皆吾鄉所有未見者獨佛桑耳聽篁自紀以詩並索同人和作

舊游作詩紀羣芳行閒字裏皆生香迂儒定執洪範傳五行舛錯推何祥披圖羣芳名可辨除卻佛桑眼經見我知君意持傲人一日看花一年徧卅年前事談蓬萊課龍灌海將花栽椒馨柏翠際除夕番奴走報花齊開先時而開看更好寫入圖期花不老就中獨少洛陽枝怕與君謨催貢早

見東坡詩友錄

方今

聖人卹遠民，荔支貢不勞。紅塵金莖鐵樹海外種。

德澤所被，長陽春圖。花何如圖，百穀穀能養人。花悅目，吾聞臺陽歲三熟，好譜嘉禾輝史牘。

李小牧聽松昆仲招同人小酌出示犀角爵屬賦

筵前休更設雞缸，鼉作鯨吞氣未降。有角似麟偏擅獨，彼觥爲兕合稱雙。杯光分瀉，宵如水天影通。明月在窗，畢竟百年輪爾壽。敢辭重洗對寒缸。

小牧聽松以蔬食見招佳甚戲作俳體贈之

瓜分青黃纏一籬，芥紫芋白栽滿畦。薑心菜脆萊菔肥，村夫子家我舊棲。大烹高會兒女妻佐以菽乳，兼芹泥捫腹難飽。朝苦饑，輒紅廿載游京圻。大肉硬餅愁損脾，家山轉憶蕨與薇。歸來桃李尋舊蹊，多君雅招城之西。天寒欲雪風淒淒，其圍爐密室舒。

凍肌尊前食品所見稀似曾相識入口非瓜青者酥黃者飴芋
魁肥美逾豚蹠快欲撓以金甌犁薑芥精似蹠取雞最先萊菔
緋其衣問而知名君不欺我家舊物竟目迷痛飲不辭酒到臍
何嘗玉琢誇偏提有抹者角香泛犀醉中吳語爛漫題庶免腹
負將軍譏乃知動植物本齊得妙手化爲神奇來朝舉以責竈
奚山荆見說眉先低無羊夢蹴幻亦離還我百甕酸黃齋

題丁芸圃舅氏雪徑探梅圖

記送行旌鬢未華

舅氏赴閩時至
今五十年矣

嶺雲從此望天涯等閒風雪嘗都

徧孤負西溪萬樹花

浪花如雪一帆開起擲鴉鉏徑渡臺

林逆游事時舅氏
調嶺從事軍營

莫笑巡檐籠兩

袖手曾親斬逆蛟來

南槎小住卅年過地僻天寒雪訝多憶買盆梅剛尺許移栽庭

下已高柯

別民任南樓
首三十餘年

宦海抽身便是仙林居三度歲寒天

別民任南樓
已四三矣

白洋池畔孤山側管

領春風到百年

古歡書屋梅花

詩

先君子集中南北兩齋梅詩紀手植也花朽已久爲補之今年
花開遲仲春下旬同人過賞分賦

耐寒疏蕊禁晨霜趁暖高枝放夕陽花較去年遲一月客思前
度醉千場游人解道巢居閣野水誰尋玉照堂何似吾家雙樹
好暫來題便有新章

無復雲煙追往事還因欣賞集同儕心期與我成三友手植而
今補兩齋又看亂紅花似海莫辭浮白酒如淮卻思前輩風流
甚高唱何人繼鐵崖

上巳後一日錢蕙窗招展禊事偕同人訪玉津園遺址

採蘭爭忍負芳時卻話前朝動遠思山有會稽脩禊事地無溱
洧補風詩水流花放當前景天上人閒異代悲不及汴宮餘片

石年年消受佛香吹

丙子典試河南禹大相國寺寺後廢
國有數石甚靈遠傳是良岳所造

昔年此是宮闈地傳會姑憑野老談故址名園傳一一平蕪荒
徑剩三三旌門楊葉迎風貫

周益公玉堂類稿載有金國賀正旦使玉津
園賜射口宣爾今爲水師營是日值較射

輦路

桃花映日酣太息奸權前後轍玉津差勝木棉庵

暮春偕小米由雲棲抵理安回至南屏晚眺得詩三首

薄霧不成雨霽景明朝暉行行準芳塍麥老豆莢肥傳聞竹深
處有士開禪扉豈惟竹徑深水繞山亦圍竹深不見天零露午
未晞此中得延佇日暮應忘歸何必定入門妙理悟者稀

歸途緣江行西折入幽邃四山何娟娟雨洗出新翠江如對豪

客到此覲佳麗溪流導我行峯峯啟還閉層崖夾叢篠日色不到地虛亭翼然迎曉我行已至但聞雲外鐘不見山中寺
逶迤石屋嶺菴藹南屏山森然列翠屏勢欲全湖環看山貴看
色豈必窮登攀譬如絕代人望遠尤珊珊參差倚巖樹掩映峯
孱顏濃翠暖欲飛盪漾如層瀾微風一披拂散入虛無閒此景
靜中會欲畫無荆關

吳子律招集蔡木龕城北隱居

兀兀困校文晨起忽自警誓將離此障泉石訪幽境良友適見
招未赴意先騁翁居我舊識不待黃鸝請依稀記門巷深翠匝
林影門前水灣環小艇疑泛潁明湖所灌注中尙浮藻荇入門
覽新竹犢角鋒發潁昨宵雷雨作亂向蒼苔迸高藤儼瓔絡四
壁走脩綆其下草茸茸弄色抑何靚沿綠登草堂几案潔而整

翁時淨埽地去垢如去鯁等閒未敢唾終坐氣常屏庭前列羣
卉名媿我不省愛葉不愛花麤俗況桃杏騷人昔所佩此意翁
默領想當日未高露華汲深井能來此半日相對豈非幸乘興
還再過何必燭呼秉

蔡木龕自營生壙圖

自巡身後卽懸此小影
不須效時俗冠服狀

木龕古君子言樸而行誠昔居傍河渚負郭田可耕尋常不作
詩頗得詩性情晚耽湖山好家具移西城門前濛湖淥掬飲香
且清登樓看遠山螺髻紛然呈高梧與脩竹濃綠環軒檻潔癖
抱迂倪灑埽日有程扶條去朽敗不使畱纖莖旣爲木龕圖題
詠徧鷗盟昨來以老病生壙還自營衣冠等桎梏任達師莊生
位置巖壑中寫影何分明謂言昔東坡廬仕非不榮如何一笠
屐獨擅千秋名乃知入圖畫軒冕在所輕況生本草萊而沒儕

公卿舉世謬相襲流俗情難更我今一笑置貌我如生平科頭
自蕭散何必影其纓坦胸可摩挲何必鏘其珩其言畧如此塵
慮那得攬高山有古色流水無競聲便埋鍤常在自挽詩嬾成
逕須再移家就壙開柴荆

題洪稗畦填詞圖

一闕詞成百嘯喉畫中人太擅風流但教聲律嫻紅袖那管功
名誤白頭秋雨梧桐談往恨曉風楊柳譜新愁年來我亦思陶
寫安得期君共拍浮

許玉年孤山補梅圖

前年出都門正值風雪裏多君好兄弟醉我越酒旨酒邊話韻
事聞早心爲喜移梅六百本栽向孤山址歸如及花時屬賦詩
以紀歸程苦淹滯到已正月尾風景愛家山生事未暇理詰朝

泛明湖棹向山前艤梅花如有待開正十分美東風吹繁香颺
入半湖水老仙骨已換形改神未死相距八百年一呼花盡起
得毋舊花魂穌向荒墳底側思廿年前此地成蕪圯剩有枯枝
存著花亦無幾是非抗俗流何人更來此君今重綴葺斷手數
旬耳建閣面層巒結亭俯清泚疏泉爲花灌扶石爲花倚遠招
鷗作朋近籠鶴代子遂使看花人春游鬧於市矧君善丹青墨
妙近無比筆端有春風拂拂生十指寫花入圖畫花壽千齡矣
吾鄉風雅輩零落誰繼軌憑君提倡力一洗湖山恥佗年書邑
乘花補自君始柏堂與竹閣不朽例如是冷笑長安中誇植桃
與李遲君吳門歸相偕訪高士

和周南卿移居東城四首

篋衍零星卷軸殘頻年羈旅士仍寒吐絲作繭憐蠶苦借幕成

巢識燕難且效東鄰隨習俗未須西笑向長安風流不讓陶宏景
摹入新圖自展看

仍是天涯落拓身半廬棲止亦依人改題楹帖聊諧俗補插籬
花爲掩貧語客慢停門外騎呼兒先洗甌中塵怪佗東野居纔
定詩寫霜毫便入神

野水彎環綠到門蒨畦蔬圃傍城根逃名擬作韓康伯注史交
推稽少孫卻檢舊藏龜在座又添新債酒盈尊夢梁倘補前朝
錄爲問蓬廬蹟可存

我亦繩樞閭里東訪君舟借半帆風草堂貲未輸交友椽筆詞
先和相公發願陸氏比隣多鼎貴阮家羣從久囊空余弟九松新移居仍與同巷
從今白板扉分叩笠澤聯吟興不窮

靜寄東軒老桂篇次姚古芬韻

蚪枝愈老花愈妍金容現出秋風前芝蘭羅生滿花下甲子花
亦忘其年上含蒼苔鱗鬣奮下映白兔階墀眠軒中畜有雙兔眼中行輩
誰與抗稱小弱弟惟張錢謂仲雅先生想當此桂始移種振綺堂北開
華筵漁亭先生雅愛客小山名士相招延當時已賞柯幹古桂
生尙在先生先故家喬木歎今少畱此照耀城東邊由來阿閣
集丹鳳斷無濁水生青蓮培材須念遺澤遠得地乃許青芬攀
先生厚德似此桂科第世世看蟬聯羣芳朝榮夕已萎讓此飽
耐冰霜堅層樓翼前繞文石虛檻洞後儲清泉賢孫重啟堂東
偏飲中之人集八仙綠陰匝地香浮天要與月桂枝鉤連最高
枝定讓姚合巧綴七寶成新篇賦成一字一金粟對花酬爾樽
盈千

魏西亭出示胡褐公

名玉昆字元問

金陵二十四景畫冊冊舊爲春

渚何丈所藏

我昔三度金陵游

余以嘉慶甲子從座主劉文恭公校試金陵道先年已壬午以祝院省學兩赴金陵錄遺

官齋閉置同拘

囚百竇一豆歎貧馬悶欲眺遠惟登樓前游秦淮曾載榼還禮

長干九層塔清涼山畔坐移時不見漫空花雨匝後游匆匆戒

行李鴻雪何嘗畱眼底歸來卻對六朝山風景分明畫圖裏

當塗園有采石凌歊臺青山諸名勝不減金陵

吾宗墨妙師右丞小簇悟法老擅能流傳已是

百年外雲煙著紙猶飛騰客游何如臥游好勝蹟開看屐傾倒

冊中題跋半名流珍重非徒畫堪寶徵君同訪北郭門

冊內有先君手書三月

十七日同項文秋子奚文叔生訪何丈春渚於枯樹灣小山居出觀此冊題名

主客四老無一存

乾隆丙戌香渚丈傳是冊於吳山市上

江山滿前怕舉目

感逝令我聲為吞得畫記當前丙戌

是冊於吳山市上

我時未生今

髮白蠶眠小字認題名歸我知君心不惜

徐村陳氏牡丹

天香幾度染春衣似此名花照眼稀嬌甚底須金屋貯醉來如帶玉環肥淨含風露妝初洗亂疊雲霞彩欲飛占得人閒眞國色不妨藏豔在荆扉

周禮伯堂北讀書圖

父出藉母教母教仍父書試看郭東居豈與城南殊枳籬插短短翠篠羅疏疏一角明遠山幾樹遮高梧選幽拓窗牖背喧闌軒除是爲堂有襟乃在城之隅丹黃徧萬本誦讀勤三餘憶當垂髫齡出就外傳初聲纔振雛鳳哺尙煩慈烏念兒父遠游風雪嘗在塗擇兒師授經巷塾多通儒愛兒性聰穎記事無勞珠惜兒體清羸重肉爲置廚秋燈照紡輒父雨鳴縑車琅琅達戶外軋軋到夜徂芝方向春茂護忽先秋枯雖爲名父子已作失母雛嗚咽不成讀淚漬母製襦勉強還制哀晨見父挽鬢入不

親母笑出不聞母呼傷心憶曩昔生面重追摹張仲系以詩潤
陽爲之圖看同莪與蒿成定龍非豬功名强慰耳杯圈能飲夫
縱占孝廉科縱入承明廬徒然耀閭里那足償勤劬醫指有餘
痛展卷增長吁瀧岡表勲伐不如荻畫巖五鼎盛陳設可仍機
斷無相看綬若若空抱心區區讀書爲功名親或增憂虞讀書
志聖賢親乃長歡娛所期脩名立庶使重泉愉況君傳家學乃
翁擅文譽才高凌鮑謝年壯非桑榆椿輝蔭方長竹素願可符
毋媮燭火光作詩還警予

大兒以部曹錄用時值三十生辰寄詩四首

能邀錄用

主恩寬勝似歸餐苜蓿盤科目例稱前進士名銜新領小司官
且隨此日夔龍步好博佗年獬廌冠寄廩送孥真不易添予愁

緒有千般

詞賦空拈惜汝才風迴無分上蓬萊已看玉宇瓊樓遠尙許高
牙大纛開入仕官先登六品起家人有到三台欲知累葉簪纓
繼都是寅清夙夜來

失恃堪憐汝七齡沈思往事我霜襟蘆寒免幸妻仍淑槐蔭培
思祖最深豈有才誇三語掾可無榮報九原心關情地下知尤
苦相盼遙遙直到今

此日乘弧爲設筵長安翹望路三千漫耽潘岳閒居賦已過蘭
成射策年樛櫟散材應處後騅駟爭道莫矜先年來世味嘗都
徧祝汝身康勉汝賢

錢武肅王鐵幢歌

時平鷺堠閒江戍鏞鏃沈沙犀不注行人指點鐵幢蹤云是錢

王射潮處潮西來東青城門晝不開潮東去越山浪花禁得住
潮來潮去羅刹江錢王射潮還建幢幢成潮回地西展十萬民
居距潮遠蛟龍畏鐵制出奇幌木子子高與齊以開南渡行都
基嗚呼駐軍江沙潮不至歎爾鐵幢還債事

題魏丈春松讀書人家第二圖用前題韻

披圖發深喟歲月過堂堂憶昔訪公居入院藤花香時同縮京
秩粒粟偷太倉坐我積書閣語我書味長第一可淑身餘事爲
班揚淑身兼利濟先世訓敢忘指示讀書圖一幅屏閒張言圖
所自來不比閒丹黃當時授大郡利藪奸難防聆訓許瞻
天答問家世詳

聖顏爲溫霽曉日開扶桑親承四字褒珍重踰琳琅繪圖誌榮
幸

天語輝行裝我時述公言卷尾題數行重摹寓深意要貌白髮
東坡贈寫御容妙善師爾來摹寫亦到我爲是先帝白髮耶公今賦遂初我亦歸願償紫藤又著花
落英紛滿牀金陵舊游地大好山水鄉詩先生筆倘作第三圖風便
乞報章

挽高荻浦

疇昔過君巷念君將訪君轉思君臥病訪恐勞君神既見君仲
父乃以君耗聞言發長喟半嚮含酸辛平生君所爲追憶頗
得真嗟君早失恃撫仗繼母勤君父主詞壇卓犖誇能文及君
年弱冠父復傷沈淪母也疾因之臥起長須人強歡慰大父中
夜心爲焚刀圭與厠牖烹濯皆躬親讀書勉諸弟少長何恂恂
家庭鉅細事皆任君一身瑣屑鄉里閒還藉君解紛豈無豪俠
士意氣驚比鄰所難幹濟才出之以樸醇如何樂爲善曾不逮

五旬顏夭而遽壽此理將誰詢尚期君諸弟友愛如君存荆花
枝葉茂君況培其根望君疾復愈誰料芻靈陳而今怕腹痛重
過君里門

春秋宮辭

櫝啟龍漦奈爾何縻弧箕服早聞歌參差烽火驪山舉從此東
周女禍多

梁笏牆茨掃願空柏舟操苦幾人同正聲彈出孤鸞曲第一無
邪是衛風

環佩無聲夜寂寥月光中起望庭燎階鳴雞與房鳴佩不似關
雎刺晏朝

蛾眉螭首畫難工況解神傳倩盼中如此玉顏消不得綠衣纔
賦又終風

檣楫松舟駕出游諸姑伯姊道悠悠椒華一掬思鄉淚灑向清淇咽不流

一娶車煩百兩迎媵兼九女禮分明銀環進御金環退底暇匆匆割臂盟

嘉偶君能備禮求迎來車羨御三周野帷不敵輜輶閱駭絕琅邪其遠游

肯作章臺宮裏身賦傳同穴息夫人卯金舊傳天畱在雨字桃花恨萬春

彤管何人女史垂愛將襲語寫宮帷深宮夜半牽帷泣教是優施聽阿誰

蕩舟遭黜復遭侵姬寵能窺霸主心爭立自傳公子五如夫人害到而今

居狄居齊壯志消酒醒人遠恨無寥白頭又載懷羸去漫借黃
炎作解嘲

占來燕姑定男祥取媚天教佩國香他日子蘭蓂七穆與齡神
又夢句芒

能駐韶顏服食諳君卿朝罷共停驂株林側畔離宮啓小隊旌
旂過夏南

流傳狸乳事堪驚藉藉蕭同叔子名垂老登臺窺窬跛尙然一
笑解傾城

笑更袍袴解明璫撲撲遡迷離詫女郎報道君王今好內一時齊
脫健兒裝

燭滅牽衣事可猜滿堂纓絕見雄才美人十二懸間列都是樊
姬供御來

棘闥何幸二申從回首層臺切遠空翠被復陶零落盡雪花猶舞細腰宮

姑慈能似定姜無送婦心還痛藐孤雪涕風前雙燕子誨琴君正寵宮奴

待傅堪憐志守貞來遲有姆恨難平援琴補作共姬操猶帶諠諠出出聲

舐犢拚貽折齒羞此鄉端合老溫柔如皋御射尋常事新樣宮中孺子牛

繪餘唐突恨無涯埋玉深深隧道開舞鶴市中人一闕魚膏畱燄照泉臺

將軍宮隊領吳娃軍令重申戰鼓搥忽報按行司馬法兩行紅粉靜無譁

利擅三江又五湖越王臺可勝姑蘇怕他烏喙重傾國還載蛾
眉入舊吳

二百餘年記載詳壺儀淑慝試評量就中不忝彤閣傳合斂長
裾拜敬姜

戰國宮辭

洛水環宮特地寒求全無使祿衣單籜臺寂不聞歌舞天上人
還避債難

力拔山空惱五丁枉開蜀道葬娉婷淒涼望帝聲啼血飛過函
關不忍聽

莫道金牛事果非陰謀中早伏危機李園女弟邯鄲妾秦楚同
時兩后妃

魚到河魴美孰儔鍾離春駭殿前收從今擇后傳家法纔聘無

鹽又宿癰

更何餘忿化鳴蟬獻玉曾看碎玉還贏得六宮添韻事閒邀姊
妹解連環

惱恨巫山十二峰峰峰如髻繞王宮妝成不讓朝雲色要伴君
游到夢中

盧令令偶效齊風狗盜乘時也自雄輕暖愛他狐白好葳蕤無
暇鎖深宮

瘦盡腰支衣罷裁章華無復夜登臺有人雲夢隨君獵欲共千
秋萬歲來

照乘珍敎掌彼姝十枚詵采耀羅襦侍兒無復傳紅燭錦帳中
懸徑寸珠

軒光爲寵八成湯吹耳扶形弟子忙報道青宮人復醒盡拋壘

髻理明妝

退房其奈愛移何
妬煞娃嬴擅寵多
一樣茗華顏色麗
鼓琴輪與夢中歌

燕南陲地接夷門
歌舞當年俗尙存
漫笑邯鄲非故步
壽陵餘子總承恩

揜鼻誰還敢效顰
祇愁秦女貴無倫
黃金買得君卿舌
世上原來少美人

效專諸計刺王僚
金斗光中恨那消
畢竟摩笄畱石在
趙家墳土酒誰澆

賢后終當首趙威
後君先歲語含規
北宮存否嬰兒子
一問臨軒女範垂

恃鬻衰還恃輦行
左師能體眷兒情
黑衣願補親軍隊
明日嚴

裝勅早行

自置閒胥愛更分蘭臺侍從望如雲南威解道能亡國一辦心
香祝魯君

舞隊教停進御來翹才有館大梁開沼邊佇立看鴻雁聽講周
詩又築臺

得救君亡弟可能奪師聞有虎符憑後宮從此絲爭買不繡平
原繡信陵

嘖笑雖嚴意可猜獨承新寵步徘徊衆中女伴爭相羨賺得君
王敝袴來

羅縠衣單力不任殿頭揮軫悟王心將軍頭與夫人七不及屏
風一曲琴

同輦隨君侍玉扉墜臺誰料腐羅衣輸他身化相思木長引鴛

鴛一處飛

禮數休嫌抗世姬千金都肯贖胥靡專朝例共專房禁分得恩
光到薄疑

往事君應記息嬌繩夫人貌太傾危趙如聞豔將兵奪正位椒
房卻是誰

孤山悼鶴

丹邱自仙居不如返故林青鸞自仙侶不如締同心嶼亭有囚
鶴一褐兩素襟何年入樊籠鍛翮羈湖潯昨來見錯跼粲若星
排參及今弱一个兩尚栖花陰臨風發清淚步石流哀音鶴如
訴以臆我爲傳以吟湖山非不高湖水非不深深但鑑憔悴高
徒望嶽崑那如故林居翔集陰森森更無同心侶倡和情惜惜
祇今悲異苔自昔歡同岑本非貪乘軒高知險難禁本非貪食

俸優知責難任傷哉被束縛慘若遭烹燂參養栗雜秕棲息柴
編糝棘鈎脛流赭泥流翎變黔丹頂暑曦煬雪羽寒霽淋秉茲
金石性奈彼埃壘侵聚觀饒綺裳俯恤勞華簪雲煙盼渺渺歲
月愁駸駸可堪千歲姿摧拉同焚琴未邀一品料瑟縮成枯蟬
我來值春霽巖幌收淫霖顛毛顧自憐勝地時登臨風前對長
歎逋老難重尋無人放之去囚鶴名著今逝者長已矣生亦嗟
浮沈招魂折梅枝醅酒其來歆綠楊爲汝旐蒼苔爲汝衾傍他
處士墓葬汝神仙禽

柳梅

并引

和靖先生墓側有梅一本爲吾友燾莽手植昨歲雪壓其枝下
垂蓑蓑若柳然因名曰柳梅而紀以詩

折腰不能妻卻畜五柳先生雅仍俗逋翁千載眞替人妻以梅

花不嫌辱墓門新栽見一本雪壓枝傾花轉縵繁條如縷高下
垂春風一吹眉黛綠錫名柳梅翁勿詫要遣纖腰伴幽獨霏霏
香霧結流蘇宛宛晴颼鏘佩玉鳳釵撩亂紛倒挂薑髮生成自
蜷曲別開生面門新妝羞斂芳心對空谷羣花相妬嫁獨早頭
雖長低笑堪掬縞衣月下慵叩門報道三眠春未足

范忠貞公祠古梅依先君子韻并示燾芽

看花有約催晨餐山郭料峭春風寒春花可旬日耐猛雨慎
莫判花殘偕行何人但老友石徑屈曲行槃姍紅英綠萼次第
放枝橫梢妥吹香繇當時三百六十樹返魂一一吞神丹

用先人句相傳

通時款梅凡三百六十本今五年所補殆如其數極一時之盛矣

卻尋古祠叩關入老幹一本蟠虛欄萬

花門外鬪年少高臥那解憐袁安是誰手植歲月久得毋逋老
身曾看鉛華洗盡風格在蒼蘚剝蝕龍鱗乾風流恨不見二老

往事追溯悽心肝

先人日譜乾隆壬申歲與朱則齋探梅孤山范忠貞公祠庭前古梅倚松而立余與朗齋坐花下柔枝繁蕊徧繞庭際帽簷襟袖無非梅

香密影也日初暝即見半輪新月懸於松頭猶覺其不忍去按乾隆壬申至今凡七十三年矣

古香古色紛可掬且作一老鬚

眉觀還愁如梁變化去欲圖粉本煩邊鸞

崇雅堂詩鈔卷八

仁和 胡敬 以莊

送春曲適讀舒鐵雲餅水齋集戲效其體

憶昔年少時春來大歡喜春去了不思及今歲云邁怕春歸去
轉祝春來遲春來心惻惻花繁如錦我鬢看如雪春去意縣縣
花飛成陣攪我愁不眠送春兮金谷樓掩無人庭草綠送春兮
桃源桃花滿地漁郎還送春兮登山復臨水但見清溪潺潺白
石齒齒綠陰深處蜂蜨貧紅雨香中管絃死東皇駕蒼龍乘雲
去何駛有郭芍藥兮前驅有鄭櫻桃兮旁侍從以司香女郎惜
春之御史我時望雲呼春止止謂適從何來遽集於此而今去
復歸何處東皇笑拍手言我從來處來時去處去未來招不前
欲去留不住收回二十四番風槐夏麥秋從此始饒佗呼小宋

者是紅杏尙書號謫仙者爲青蓮學士封十八姨懷內醋甕兒
沈萬三秀家中錢樹子當其榮華誠莫與比曉鐘一聲曰歸去
矣而欲春長畱斷斷無是理於是乎山遙水遙千里萬里行經
絕塞外遁入重泉底藏在九寸黃鍾之龠裏不是鄒衍重生吹
不起春去兮春來花落兮花開花開兮嫣紅姹紫紛滿階花落
兮疾風猛雨荒蒼苔媚君以傅粉塗朱之顏色惱君以傷離感
逝之情懷百轉聽鶯谷三條走馬街莫不酒闌人散煙鎖塵埋
拾翠幾兩屐踏青何處鞦游絲飛絮飄墮天之涯不如一去不
復返免令人羯鼓催金鈴護長繩欲繫躑躅而徘徊吁嗟乎丹
成難返顏嬰孩王喬赤松安在哉人生世上只合笑開口況有
筆底春風畱在手

竹筴用朱竹垞查初白兩先生水碓聯句韻

續竹引遙泉負擔勞用息何嘗沫噴灑偶亦響汨御橫庚伏還
起交午曲仍直久能涸江河驟不納溝渫仰高勢旣順受束流
更急圓愁蒼磴滑斜畏翠巖逼梢削裹搓縣孔漏填置枝陡落
崖值欹架空徑逢仄來源浩無垠別派會有極但期利關竅那
必就繩墨罅裂魚暴鯁稜厲龜獻肋翻車製同然調水符取則
節刻泉脈貫膚闔土花蝕赴壑脩蛇蟠擎雲老蛟踣隆隆渴烏
時黯黯斷虹匿孤根繞羊腸繁後斬鳳翼氣羸律重吹象布蒼
再扞穿花態屈曲過雨韻揚抑枯槔等機械杞柳異戕賊轉注
香積廚供養伊蒲食潤生貝葉經漏應蓮花刻韜光足簣簣計
數逾兆億丁丁伐不停荷荷索方亟編排奪天巧接引謝人力
乃知佛世界所仗水功德冷泉任委輸靈鷲共疆域翕受恃樞
機霑濡徧動植豈徒漑釜鬻兼可滋稼穡蟬聯序各循魚貫候

罔忒智殊鉅瑣理自杯渡測抱藝固恒情連筒有成式此中
本空洞閒寫任胸臆萬物貴棣通一心戒茅塞苟能參造化是
謂善知識清泉汨汨聲翠幹娟娟色分塍活畫圖爲澍洗蠱螫
偶游給孤寺疑入懸度國千巖瀉淙淙萬水來得得筏施導羣
盲津逮解笏惑誰歟司水衡利濟毋溺職

雨中湖樓獨酌

湖隄春去靜如村獨自登樓醉一樽草色慣黏游客屐柳陰都
聚酒家門花全辭樹風無信雲不離山雨有根太息白蘇呼不
起眼前詩句其誰論

題祝京兆書樂毅論墨蹟卷後

同時吳下齊名久京兆終應勝六如不忿世人趨嫵媚辦香爭
奉董尙書

右軍遺刻存形似千載神傳此卷中翠墨淋漓絹完好把看猶見晉人風

並頭蘭

清照聞應有賀章芽生相對復相當空山同夢神仙侶合殿雙棲姊妹行夜月湘靈江上步春風燕姑鏡中妝如何邢尹偏交避沐便迴心試作湯

簪蘭

羊山遺種最娉婷花縱無香葉帶馨浴佛時光天賜紫紫色四月初開同心儕偶眼垂青借葉露芽與蘭爲諸君過陳氏園見此佩從雨笠煙蓑解夢向蘆洲荻岸醒便脫荷衣嘗若下不當門處少人經

仲夏集諸秋士同年吉莫吉齋

與子論交卅載前謁來文酒恣流連看檀欒影宜新夏聽鶉鳩

聲自昔年齊後大樹塵俗不來脩竹徑涼暄無定熟梅天吉祥止止
蒙莊語得其歸耕那計田

精忠柏歌用少陵古柏行韻

鄂王當年手種柏森列柏臺嘉肺石縱橫戰壘息風雲憔悴園
扉峙尋尺長城萬里國自壞遺植千秋人尙惜刺膚春雨痕帶
青持服秋霜色逾白憶展王墓棲霞東松楸一逕連寢宮佞臣
鐵鑄軀猶在老檜屍分心久空蕭條生意盡除夕偃蹇枯枝排
朔風正如泰岳堅難撼豈有將軍倚較功閣建光堯姬松棟秦
頭壓日嗟何重底死金牌驛驛催偷生銀絹年年送荆榛那免
師召燕槐棘徒誇山占鳳獨畱寸幹到

熙朝看洗甲兵長不用

時西城
邊平

孫青塍師望峯小影

展卷僚風儀從師七年久師家昔過讀歲記在辛丑凝和堂左
偏書從伏生受逾年歲在卯月亦卯值斗敬年方十五腹笥笑
何有惠然肯來教不鄙質粗醜我師於六經古說探淵藪就中
易尤邃王鄭嚴棄取象數與圖書向我燈前剖偶然出餘技鐫
刻徧螭紐二篆及三蒼搜索到尊卣惟時文字飲晨夕聚先友
尋常苜蓿盤秋菰雜春韭過從誰最數兀傲蒙泉叟痛飲值更
闌狂歌還擊缶三蕉準成例衆醉師獨否懷哉風木悲太息歲
逢酉親沒家苦貧師弟悵分手師作大梁游敬長守蓬牖未能
執丹漆遠道從師後暨敬通籍來去住限官守質疑惜不盡離
索徒自咎經時師返棹後學稱善誘藉甚推孫簾名無出師右
前年敬解組躬耕樂南畝訪師薦橋街名園富槐柳先生已華
髮弟子同白首風景廿年前一一述在口疏籬叢菊放師正七

旬壽示疾體羸然尙謂維摩偶何圖遽易簪時序當秋九先執
盡凋零屈指空某某況經身受學薄植荷薪樵鬢眉何蒼然千
載德不朽白雲深復深臨風呼負負

屠琴鵬同年潛園吟社圖卽用原韻四首

君先我歸里因病身得閒有如梅與竹位置宜溪山然以君較
我君靈而我頑夙期脩名立身世非所患相偕入承明中道君
改絃我墮文字障條教君能宣出山十餘載鳥倦相飛還潛園
寫新圖綴以佳詩篇披圖神悅悅如在頤園閒

我昔葺頤園其地頗蕭散縛茆起山亭要與大江見六朝江上
山如幃列四面古木百年餘分蔭滿書案是鄉足蝦菜食可咄
嗟辨當檻設藤牀隨意安筆硯春秋佳日游侍老親健而今
事已矣追思發長歎

頤園境已杳且讀潛園詩園今亦易主詩覽陸與皮藤蘿及泉
石聊以圖存之彭澤自樂天得喪夫何疑吟儕我未預勝事難
重追想君座上客卓犖多不羈談詩更讀畫議論如風馳酒闌
具茗椀閒品槍與旗時復集禪侶妙香參木犀誰知此中人於
國曾有裨循良世不乏難在

特達知

知君病良已時候交新秋涼雨灑然過庭樹陰更幽此時宜泛
艇同狎波閒鷗側思江左漕大吏勞且愁洪湖水盡涸何以濟
下游天庾之所關通變須良謀

九重正翹才巖谷窮冥搜庶其保玉體待召馳星郵問年甫強
仕林下忍退休願君占利見無爲邱園留

爰梅生西溪秋泛圖用樊榭雨中泛舟河渚探梅暮至西

溪韻

憶昔買扁舟蘆浦遂幽矚水花漾漣漪霜葉映巖谷平鋪雪萬頃回繞溪一曲夢從孤鶴尋隊與閒鷗逐瑟瑟風微吹泠泠露新沐作聲上短篷盪影入寒淥何時勝侶招小艇清游續舊雨呼釣師冷月眺僧屋著我畫圖中千載願斯足

秋日集湖莊分韻得笠字

秋來苦炎威秋半尙蒸溼連宵雨如注風欲吹海立蕭蕭簾幙閒秋氣陡然入羽扇停不揮微涼生袴褶自傷垂暮年畏暑學蟲蟄俗緣盡摒置題詠蠲結習消閒偶讀史省一笑忘十但覺古名臣才大量搗挹輯其嘉言行千載芬可裒蒼蠅爾何事取鬧如此急墨藩那足爭太倉有餘粒感此心鬱陶嬾復事編輯良朋知我意選勝開雅集登樓一延眺盪此胸結澀巖桂將作

花香早衣袂襲我時病新起破戒先米汁全湖几案閒徑欲一口吸卻看十里隄高者漸成隄葑深水日淺探手魚可拾側思玉局翁來守此郡邑爲民策早潦畚揭躬自執萬丈捲葑田真意見篇什功成數月耳不聞費難給後來虛名冒而才不相及何嘗民患籌告教徒汲汲降及元明閒隄堰廢脩葺卽境懷古人高豈階可級湖雲散微雨波影漾潏潏東坡不可追且戴東坡笠

城西邱氏宅看菊分得花字

邱氏蓄蘂盆數百白頭兄弟歲以種菊爲事

冬來自喜健腰腳兩度看菊過陶家入門黃紫紛照眼秋豔那必輸春華姿分態別色濃淡種繁到菊無由加羨君昆弟有同好蘚侵蠹蝕勤梳爬雨多傷根暎損葉汲井華灌編蘆遮三時辛苦一月對花之報主情已奢天倫樂事卽花見臭味豈尙差

池耶直須喚菊作常棣昔美露萼今霜葩邇年城東賣成市破
缶亂插猶蓬麻君從何處覓淨盎以十百計完無瑕亦如羣花
品各異白過聚雪丹凝霞一花一盎一姿態宜整而整斜而斜
增嫌太長減則短位置不許毫釐差畱得此盎百年後知共汝
定官哥誇紙籠輒觀白木皮供養寒儉花應嗟去年詠花共尊
酒室邇可奈其人遐花前願望見顏色有客歸自天之涯是日樂久竹以
新接始令城隅咫尺不相過海南一去途成賒柴桑老爲斗米出
又台喚菊河陽花由來良朋比昆弟聚散歎息同搏沙何如主
人互友愛閒抱甕勝忙排衙解嘲二李笑語我鹿蔥已復抽萌
芽小牧聽松韻春時主人種水仙傳盛淩波仙許我輩看緩步重到何須車酒行未要白
衣送醉任里鼓街頭撾

寄題越中曹娥墓前雙檜

檜楫兮松舟迎神兮江流波洶湧兮舟覆望檜楫兮繞江而哭
檜生兮墓前枝夭矯兮參天斫汝檜兮重作楫救吾父兮舟一
葉

集蔡木龕隱居送梁久竹補官北上

春水一江帆挂早城東記送孫莘老綠陰滿地布穀鳴城西又
餞梁昇卿疏篁離離蘿四壁選勝同來蔡經宅往年雅會如月
圓一十二回往復還今年離筵張更續飲中之仙只畱六古香
古色紛圖書一室愛佗能埽除君知埽除勤一室此理可通官
一邑栽培鬚斗灌井華願君養民如養花腰鑣而芟縛帶埽願
君去奸如去草春明解組歸五年病魔纏我棲林泉韋平藉甚
君家世莫效齊衡吳下賢

章次白西溪梅竹山莊圖

何地無脩篁徑愛西溪曲何地無寒梅水愛西溪淥西溪多村
氓寒梅不嫌辱西溪少吟儕脩篁不嫌獨有梅自成高有竹自
離俗供養得煙雲傭販皆珠玉圖披水墨澹路記林巒熟山莊
倚巖開章子把書讀骨清旣友梅心虛更師竹惟清學乃超如
梅蘊幽馥惟虛學乃進如竹長經宿匪惟虛其心尤要實其腹
匪惟骨之清尤在神之足冬雪積園林春風透巖谷一吹便成
節數點驗來復但於斯理明那復爲境局無梅亦鄧尉無竹亦
淇澳旨哉勸學篇明理宜其座銘錄題句以申之溪雲吹滿幅

汪少海明府招同錢次軒前輩姚春木屠琴鵠吳仲耘孤
山看梅分韻得籬字

佳招一月句未就新詩見示神爲怡自來西蜀數詩藪卻開東
閣當花期短篷鴉軋渡林樾薄靄搖漾穿朝曦相期花向林墓

探有待棹且蘇祠維寺鐘隱隱雲際剌村酒獵獵風中旗干林
看未騁腰腳數樹香早侵心脾漫誇錦濯灩澦好頗訝雪綴我
嶮奇風流前輩到獨晚日晏孤嶼舟重移籠陰檻外正漠漠攢
蕊枝上何離離梢低徑欲冒窗入榦老劇愛隨巖欹那容羊酪
掩帳飲大可鶴氅登樓披長紅小白各自媚嫩寒輕暖偏相宜
林禽聲繁似鳴樂柴鶴影瘦非關饑潏洄怡映清淺水遮掩未
要欹斜籬畱春住禁鞭日馭救雨止想箋風姨粲乎仙萬各態
度作者人七同娛嬉但餐湖光與湖淥莫憶江芷還江離況公
心蹟極瀟灑如彼湖水浮清漪長材效用合鼎鼐古貌照座眞
尊彝深譚屢罄紅琥珀暮景驟羈青琉璃風懷老去不自禁來
朝尋取花鈿遺

春日招曹穀生葉燾葺湖泛卽次穀生卽席韻

暢好雲陰散遠空雨收蘭棹趁微風未妨詩酒攜禪客

張翥字公珩
飲而性癖

從此鶯花屬寓公隄草又新蘇氏墓山城猶傍趙家宮卽看桃

李春如許可有閒情賦比紅

穀生見示紅葉
詩三十首佳甚

曹穀生天涯芳草園

大好新安山兩以採風至歸來浣征衣猶染萬山翠此閒得卜
居身外事可置胡爲君遠游煙霞忍相棄故鄉豈不戀正坐饑
寒累爲我述行蹤始自京兆試車驅度太行五臺眺雲際涉淇
溯河洛遠攬漢臯轡來去幾春風青袍客中做芳草滿天涯年
年還歲歲池陽歸乘鐸五載門暫閉可憐苜蓿盤何以慰蕉萃
投林同倦鳥歌瓠亦游戲授經都講輩未是平生志天涯又芳
草官閣喜連襪

余與君素識庚辰四月
來試池州又得相晤

擾擾塵勞中遭逢多俗吏君如

出羣鶴風骨與凡異自從別君還念每天涯繫漸江冬泛櫓遠

肯故人詣相看我素冠同灑霜風淚吳山三月住芳草又盈砌
篋中搜舊什次第持見示所惜贈答篇多半江南地自燕歷晉
楚定復饒瑰製今君去江淮鴻雁災新被通漕與葺堰須策長
久計

國家正需才經濟宜早備發之爲歌行封寄煩驛使當呼君惠
連詩能道予意

小米招同人集靈隱山莊作燒筍會飯前先游鼓光余時
以腰病坐冷泉亭相待作此解嘲

清和屆初夏風日何炎蒸雅游約燒筍人較六逸增諸君興方
豪境欲探賂丞我無濟勝具況病謝未能虛亭一堅坐嵐翠侵
衣棱亭外瀉山泉終古寒而激喬柯蔽其上巖石交峻嶒日月
所不到陰沍陽亦凝豈無苦茗餉遇惜非詩僧所談風月外蟬

冕相夸矜笑我殊夏蟲與語但解冰側思六君子翠嶂攀援登
老者鶴俯啄策策扶紅藤少者如飛猱徑轉喚不膺是時竹抽
萌嫩綠添層層參差脫鱗甲十萬龍飛騰臨風定大嚼渭畝胸
可勝嵒堯鍊丹臺想象危欄憑吳越盡眼底小語聞西與蹢躅
其笑我跬步徒兢兢來即墮崖閒尚可煙霞乘答言竹未看燒
筍飽亦曾作詩當夢游夢借酒數升何時健腰腳預辨雙行滕

清涼居士靈隱翠微亭題名拓本

紹興十二年清涼居士韓世忠因過靈隱登覽形勝得舊基建新亭榜名

翠微以爲游息之所待好事者三月五日男彦直書凡四十八字詳見孫宇台靈隱寺志阮氏兩浙金石志失載

兵權既解臣歸農以清涼號易國公

按史忠武以紹興十二年改封潭國公

蹇驢閒行憩

靈鷲洞猿黑白嘯春風作亭摩崖命男直江上塵埋故人筆

孫平

隱寺志謂唐武穆於池州建有翠微亭忠武仍其名蓋隱痛之也

舊基喻岳無復甯隱以新亭悲晉室將軍

善戰復善書書仿王局清而腴

內府藏有韓王札書法絕類蘇長公

臨風胡不自揮翰

可憐十指創平甯餘直能擘窠書大字六歲殿前親拜賜一家
昆季總能文墨妙流傳哲居次史稱忠武子彥直彥質彥古皆以才見用內府藏有韓斯王子彥哲札質作哲與史異而
翁湖隱邀君恩冷泉洗盡刀箭痕棲霞嶺上一回首慘澹父子
嗟冤魂紹興春回十二載和議時成朝局改故人之死已七旬
半壁空畱翠微在

夏蔬四詠

茄

落蘇繞畦栽園稅有成約衆中獨衣紫蔬亦愛高爵笑堪博一
醉煮以錫折腳移時便爛熟滑笏不須嚼懷哉道山翁韻語雜
諧謔眞成倒好嬉用補伯溫畧管道昇水墨畫茄款印三趙王孫天水趙氏魏國夫人趙管陳原舒畫茄題後云會誦伯溫蔬菜畧試作一歌公聽著茄子分明喚紫茄落蘇押韻稱蘇落

瓠

竄情嘲瓠生臥蔓枳籬外朝萌夕已壯生不勞灌溉楊然五石容風味遜鮭菜此中別有會衆棄我獨愛齒芬得其餘人已驚絕代食之矧能肥茈鮮薑或芥慎勿拗折頸食單早垂戒

鞭筍

筍高已成林行鞭及炎夏干霄旣無分聊學側生蔗秦皇之所遺投尙石裂罅可憐咒筍人見此心肯赦剝膚但畱尖餘作松明架燒鞭筍卽以老節作柴其味尤勝煮豆然豆其苦語恰堪借勞薪同一唱老便減聲價

茭白

雕菰誌雅名其質白如瓠紫茄與紫筍讓爾塵不汙離離植煙水皎皎含風露是宜其秋萼千里遠馳慕波漂賦菰米麗句傳老杜瞰薤卻畱白斯理我未悟

楊月槎望雲圖

亭亭法華山仄徑通梅隄山中多白雲隨風自來去山農不解
事耕作歸偃戶側聞有幽人愛抱閒雲住朝雲檐際宿相伴如
親故暮雲檻外飛相招話情素山雲去復來人事朝殊暮昔時
望雲喜親廬幾延佇今時望雲悲親廬空展慕雲昔蔭春暉雲
今泣秋露心傷梁公語目斷秦亭路欲知風木懷多在雲深處
牽牛花

豆棚瓜架映參差破瓦頽垣蔓幾枝碧玉何妨小家住黃姑原
是有情癡露濃風緊秋涼候斗轉參橫月落時倒展明河作明
鏡五更梳洗少人知

匏瓜何意擅星名乞巧筵前照眼明鈴蝕土花圓箇箇鑪煎銀
液翠生生半籬斜月延秋爽一徑蒼煙媚曉晴好是鬢邊簪數

朵柴門相對水洄瀾

放翁詩柴門相對不上車對邊煨煨牽牛花

生涯朝槿可相同夜色愁連日色紅仙子肌膚宜露立牧兒頭

腦怕冬烘潤霑沆瀣三更後開比優曇一霎中染茜拖藍都不

似山家秋代翠屏風

豔吐嬌含瞥影纔避佗蜂蝶舞徘徊星辰漸覺當窗落鼓角原

宜向曉開

一名鼓子江北呼為喇叭花

瀉玉傾銀香泛處天青雲破色描來

舊勳呼為喇叭花

果然織女妝堪助移榜支機石畔栽

題曾子璘五真圖

圖凡五分繪仙魔鬼佛擔芝渡海者仙結珈觀空者佛鬼則衣紫照鏡觸像現鏡中獨魔圖有二一為羣嬰一為羣美

作詩雜仙心蓬萊海上知可尋作詩墮魔道魑魅人間原不少

詩參佛偈聲琅琅白毫時現華嚴裝詩耽鬼趣語啾唧黑風吹

入羅刹國天仙五百劫佛亦千名多有仙能啖鬼有佛能降魔

仙之人兮步淩波願游玉清眺恒河奈未彌陀六賊楞嚴十種

全消磨吁嗟乎魔妍而鬼醜鬼隻而魔偶羣魔來前鬼隨後衆如仙女攜嬌娃是摩睺羅亦是摩登伽不然魔母率鬼子與佛爭雄戰忘死生因作惡骨帶青死尙貪榮衣曳紫七貴門五都市閻浮世界渾如此有誰觀空領悟聞香旨以仙爲因緣以佛爲歸宿中任千奇百怪紛徵逐拈花一笑邀作歌仙佛不逢可奈何

次閩秀陳坤維手題元人百家詩韻詩冊爲方雲泉所藏深閨肯許姓名知難割情緣架上詩書散陳畱應已久畫餘清照不勝悲百年遺稿人何在千里尋蹤我亦癡珍重數行題卷尾拈毫追想繡停時

方竹

亮節如君本少儔就中風骨更清遒萬珪林立庭前雪半畝塘

園鏡裏秋未肯磨棱仍嫵媚倘容扶老任行游規圓已甚還丹
漆始信緇流是俗流

題丁龍泓先生遺像

圖為張君燕昌摹藏二西陳翁處
族姪耦叔以雙釣法摹之屬余為題

龍泓猶龍鈍丁非鈍苗髮蓑蓑短纒扶寸疏眉廣頰雙瞳炯然
數莖之鬢匪虬而卷脣不著齒喙長三尺高談雄辨吉金貞石
金石摹拓伸頸如鶴曰秦曰漢暗中摸索有不得見頸伸忘縮
幸而得之如鶴俯啄得隴望蜀且望且讀先生篆刻傳世已稀
誰探其奧徒相在皮運古腕底古入骨髓瘦蛟蟠空冷雲飛起
自書詞翰墨淋漓神與古會形清以奇旃檀吹香森森古殿
得毋貫休夢中所見不然古法師自龍眠形雖槁木而神卻仙
吾家阿咸拓以繭紙傳神阿堵技乃至此乞詩題畫詩亦神似
虎頭之筆龍門之史題成卷還付挂東墅非仙卽佛從人所指

何以薦馨龍泓杯水

曹柳橋蘆灘放鴨圖

何必彎弓費竹枝任佗飛拍滿芳池輕冰泮後蘆芽茁又是春江水暖時

太鶴洞天石歌爲端木鶴田作

青田一鶴君擅名少年詞賦蜚英聲自從郁離羽化後經五百載君重生山中苦饑鶴飛出坐令青山少顏色山靈隨度茗霽溪凝作齋頭一拳石

君於歸安學舍掘地得此因題名其上

在山噴有瀑千尺出山濯以

寒山千尺雪石兮姿堅貞如君結撰今老成石兮光皎潔如君文彩昔流溢枯蒼萬朵青芙蓉怪君納入懷袖中洞天陰森昔經過怕取片石褰歸簾神斤鬼斧山祕惜丁甲攝取愁蛟龍摩挲老眼忽驚見恍如置我萬壑千巖中吁嗟卞和三別足價肯

求沽玉畱璞放彌六合卷一握長卷而懷豈君欲君不見膚寸
觸石成大雲鶴鳴九臯天早聞

多寶院尋吾邱子行文塚

生前坐臥一小樓身後委骨隨東流女蘿山鬼善窈窕靈均魂
斷瀟湘秋小清涼繳鐵如意往日樓頭事遊戲山僧手把爲招
魂魂戀文歸湖上地草元誰與論白龜池畔仇山村子行別山村詩
欲語太元何處
問西冷西畔斯
橋邊盡絕筆也游仙誰可侶玉鉤橋邊張伯雨子行謝伯雨贈黃精詩乎
把金芙蓉與君游太清才同
長吉最清奇遭異相如太悲楚子行以買酒家
女教自沈於湖吾家石塘舊作銘荒
荒苔蘚埋幽局遺編抱向秋墳唱冷雨酸風不可聽

景福泉以越郡女兒酒見餉用曝書亭集丁娘子布詩韻

志謝

女兒酒最泥人味如醞醕色黃銀女兒始生早求匹想見珍珠

滴槽日門懸綵悅月未踰糟香吹上紅襜褕漉須用囊裁絹闥
麤疏怕縫棉與葛百年收入甕頭春中有妃央戲波活喜兆芻
尼報綺窗甕頭添畫翼雙雙烏篷船小載不盡匳剩還隨風渡
江乘船醉遇知章馬知我市酤清者寡一斛勞君費聘錢訪將
西子來吳下正是窮陰釀雪時飭盤兼餉縷金絲兼惠京冬采溫柔老
去無鄉戀拚把風情付女兒

題外舅施澹珍先生自書詩冊

取法晉唐上目空無近賢鍾王行草刻韓杜短長篇清絕中冷

味超然太古絃我曾儕弟子終與訂遺編

先生集藏余家
以未付刻為憾

蕭蕭東郭路載酒昔經過逸興千毫脫窮愁雨鬢皤臨池憎我

嬾傳硯負公多

長子璵姬出也
如余亦不善書

此日披吟冊薑芽媿若何

沈桐川外兄小影

我之高祖姑君之高祖母外家溯殷袁詩紀杜陵叟中經人事
迂可感闊疏久相逢敘中表憶昔歲疆西俄成長別離京秩我
匏守皖江一奉使陳養返南畝羨君世青氈昆季掌文藪魏塘
百里地來綰半通綬出山還在山安此祿升斗蒼松寫顏色霜
雪已盈首鶴骨自嶢然諧俗鄙花柳披圖忽復笑風景空負負
歲收幾斛穀半可釀春醕胡爲坐松閒少把一尊酒豈同陳仲
舉一滴不入口調韻學舍關東西談經得良友飽餐苜蓿盤疑義
互分割何時尊酒招坐我臨水牖沈酣百日飲幾度覆君瓠山
厨告無糧我願君所否且置我圖中添卷書在手

歲暮雜詩

金臺憶昔啟鱣堂果餌年終餽歲忙今日冬烘笑依舊更無人
惠束脩羊

藥爐終日課兒煎生計無聊但病眠慚媿阿兄清俸盡到年分與賣文錢

游子何時衣錦回歲寒應念我衰顏豆糜散給聊從俗爲汝仍

留口數來

范石湖田村藥府詩注臘月二十五日吳俗煮赤豆作糜雖遠出未歸者亦留貯口分名口數粥

菊秀蘭芳各一時梅花逢雪獨開遲百年占得春長在自起焚

香自祭詩

魏丈柳洲女孫締姻吳茂才炳相攸者錢蕙窗孝廉涓吉有日矣弱息得所慰念重泉詩以紀事

柳洲先生老名士與吳葉輩相游翺

先生與吳葉輩相游翺葉太史伯和詩載集中

平生著作

入祕府卻視臺省輕秋毫

謂微名降相案

當時論詩推祭酒悵我未識詞

壇旄長軀鶴立見哲嗣意度淵雅由甄陶時從鮑君佐校勘叢

書搜葺能分勞

先生子小洲名鉞館陶丈錄飲家有年

平陽有女絕珍愛可奈玉潤人難

遭一星曙後竟成讖伯道銜恨歌傳蒿依劉辛苦歲三十

小韻此此

氏劉翁以居織錦夜夜聞雞號世交感念不能置恐逐市駟稱同牢昨

來孝廉走報我內兄有子青其袍謂渠能書復能畫才地佗日

堪詞曹清門舊好快作合兩家祖各耽風騷夜飛無蟬競投贈

公等自是人中豪

魏春松史鏡意蘭桂芝階汪小米諸兄家莊齋秋白昆仲均助寶

商量文房出新意名墨

久被塵埃韜

編劉翁以先生舊藏嚴鐵橋奚鐵生兩丈合畫柳亭草堂圖冊鐵橋丈贈先生隸書直幅余秋室學士書先生所作文文山墨蹟跋語橫幅麗以柳洲道

集簡文房之數傳先生手澤仍歸女孫

吉光片羽幸畱在拂拭不異王祥刀誰家嫁女姪

豪富篋衍充物興臺囂珊瑚木難盛羅列統誇傲睨如鴻毛滄

桑須與華屋改嫁衣典盡風騷騷此書此畫百年後定知價比

南金高荆釵裙布儉梳裹并曰可信能躬操所期昌後協宅相

外家鬼免成若敖回思疇昔感付託千金一諾無畱撓

湖終一紙手見清更獨埋

骨青山坊身名二事豈不重一諾要作于食字先昌子刻柳洲集殘詩句也

重為遣嫁歲周甲後死之責將奚逃

作詩攄懷告祠下謹因家祭陳春醪

詩

費新橋江樓讀書圖

雲樹江天寄遠思舊交如燕羽差池

謂差池

人生風雨同晨夕除

卻髫年更幾時

憶燒官燭對西清藉甚才華說子京此卷亦如蕭寺裏斷齏猶
自記平生

臘月二十三日受積堂招同魏丈春松黃薌泉錢蕙窗周
南卿孤山探梅以天欲雪雲滿湖分韻得滿字

粵西君甫歸征衣未全澣勞纔塵袂息緒又風雅繼探幽約尊
宿追賞挈吟伴山容貯冰壺梅信動葭琯雲拖雙屐潤苔卓一
筇短欹斜石磴紆屈曲竹扉款壓肩影同瘦迎鼻香已滿芳苞
破暑暑密蕊垂簾簾惟開春可惜作養花在緩雪霰怕驟侵風

日嫌過暖同來招隱地小坐忘憂館境暫憩清涼念早消煩懣
烹燂炙屢進酬酢爵無算流霞丹照顏浮玉綠凝盃倘非殘臘
偈那得游蹤斷錐刀世事忙煙水吾曹管清言齒霏屑妙理心
叩窾句待呈逋仙摛詞謝雕箴

木棉裘歌

古人夏絺綌冬布惟編麻自從吉貝入中土衣被萬姓功無涯
春蠶繭成色勝雪三月蠶孃罷梳櫛天公見之生太息藏繭秋
花同雪色一花成一繭亂逐秋風飛解苞脫其核輒勝狐貉皮
弓彈成卷裘作衣採桑不勞翦與梯我生本寒儒敝縕安素志
相看比似短燈檠敢忘牛衣昔年事階鳴蟋蟀風景秋老妻爲
我檢敝裘少陵香山亦貧窶身暖還復憂人憂要知緜比素新
原不如故休誇粲粲英英厭靡靡布蠶織難周被褐徒無衣還

羨布麤麤論功

高廟題詩在曾

詔松年繪作圖

汪劍秋除夕祭硯圖

急景倂歲除器聲市塵隘錢刀方作橫爾硯復誰愛幽人結淨
綠胸次絕纖芥想陳几案閒一硯勞一拜清寒折庭枝供養擗
鮭菜何須作懺悔硯受孔子戒問君何所求可否求發解不爾
求送窮君爾無障礙但求守石田躬耕到百載摹圖十有一圖
各異境界或繁花掩覆或古服奇怪譬如衆硯材石盡清且介
龍尾與鳳咮豈必共流派一歲增一圖輾轉出新態一圖增一
詩諷詠肯少懈直欲磨之穿無慮交易敗祭詩與瘞筆同一息
機械倘逢米家顛拜定爲君代呼之以石丈袖去口稱快我卻

詩雅堂詩集卷八
七
欲焚之免此文字債

小米席上出翠螺杯飲客同人賦贈

翠螺峯圓滴濃黛憶昔登臨呼酒對

余登一翠螺峯

春江如酒暖生波一

吸全江入螺內君無渺此一勺蠡是中大可容須彌鯨吞噉作

歲復歲糟邱豈直螺峯齊我藏有雙君挾一同此旋螺生翠色

祇愁鸚鵡要尋匹飛去當筵生羽翼

太白詩所謂鸚鵡杯當卽是此

持螺江上開襟

顏與君拍浮平其閒酒酣擲向大江去到海峙作三神山

游理安寺和薌泉韻

竹徑春迷路松篁晝掩關虛亭一灣水高閣四圍山游後夢頻

到暫來心便閒前生此山鳥不待倦飛還

送吳子律赴金華教授任

尊前笑我步蹢躅心醉千巖萬壑閒生計不教離翰墨卜居難

得好溪山鄭虔學富因官冷吳質愁多藉病閒從此吟壇誰健
筆扁舟早晚盼君還

挽子律

君舊身多病開正病較瘳如何決旬別容易此生休憶背歸鄉
里論交互唱酬詩存唐格律人比晉風流高舉雲間鵠閒眠水
上鷗娛情付歌板韻事寄觥籌帶肯陶潛束帆先賀監抽雅懷
花萼共真賞竹林游博士頭銜稱名山眼界收妻孥隨冷宦書
畫載扁舟一去成千載重來負九秋撫棺難效式荷鍤竟埋劉
鵬賦春方仲驪歌月半周成羊覓仙蹟化鶴抱鄉愁家有雙旌
返官無五日畱煙波江渺渺何以寫心憂

分龍日雨歌

許引

按分龍之說於古無徵殆卽左氏龍見一語傳會之俗以四月

二十日爲小分龍五月二十日爲大分龍二十一日雨爲分龍
雨一說二十六日又一說以二十九日爲分龍三十日雨爲分
龍雨各不同詳見月令廣義說本循俗因編次俗諺成韻付老
農歌以插秧

分龍日分龍日雨龍衣溼朝曬向扶桑暮曬從碣石四十九日
龍衣乾高田低田草漫漫要知熟不熟但看五月二十六是日
得雨天雨粟旣小分龍又大分龍大分龍在五月中龍分先後
日不同曰豐曰歉誰適從黍油油稷與與今年多收君聽取二
十分龍廿一雨吳儂家吳信吳語

題葛秋生橫橋吟館圖兼懷許榕皋青士玉年溟生諸昆
仲

普濟與普安雙橋宋時著名應換丁卯爲有詩人住門前烏榜

集繫纜垂楊樹花木亦無多臨水總成趣披圖動遐想舊是經
行處許家兄弟好謂梅景丘常過話情懷雞飛一舍地晨夕招便赴
臯園讀書堂其縱尋詩步深談到月上夜半忘歸去惟時羣從
小謂王年在塾習章句君亦遠從師大戴心所慕當時寓詩宅從戴九橋先生我時
初識君儀度早目注君時髮未燥我髮已垂素況今將卅年歸
老尋鷗鷺惘然出處隔離索感遲暮江海多風波欲訪愁難渡
相思借君冊把對當良晤微茫一水閒萬里關山路

題李薌沚校經圖

竹垞先生王堂彥經義編成三百卷漢唐蒐輯到元明爲佚爲
存爲未見研經有暇復倚聲酒畔自寫其平生不師秦七與黃
九玉田自許心分明一代詞宗歎觀止目中想見無餘子由來
樂府是詩餘君今之箋真鄭氏君作竹垞詞箋注已刊行經義非不極大觀就中

異文考闕然

經義考所載諸經異同字君一一爲析其義

君今逐字加訓詁轉注假借窮津

源嗚呼師承鄉里失幾輩操戈還入室誰爲身後揚子雲作者

心期明者述邇因作志觀祕書

孫平叔制府以脩福建通志屬君檢錄開書

談論時過招提

居學人才人君合擅同異何必分區區君鄉藏書數淵海宋槧精良畱尙在鴛湖何日過訪君疑義從君索神解清風滿室竹滿庭偶箋詞就仍校經一握松煙千載業佗年名重曝書亭

城南探桂

巖桂經秋嬾作花幾回丹磴步欹斜盈眸色未銷金粟逆鼻香先挹露華明月助脩新伴侶小山歸隱舊生涯最高寒處開應滿雲徑休辭鷺嶺賒

秋日同人訂龍駒陂展樊榭先生墓以病不果往

詞賦人千古蒹葭水一方新移祠宇好在墓田旁雞絮同儕

約鷗盟小疾妨先生應冷笑畢竟俗難忘

秋日田園雜興

爲愛秋光好歸田近水涯雨深菱引蔓風緩稻舒花
送燕開村社聽蛩課紡車
幽郊流火後樂事數農家

十月九日周南卿招集文簡章相國園亭展重陽分和前
明顧東橋菊讌詩卷中韻得陳石亭二首

諸老工詞翰聯吟借草堂笑將腰佩紫來傲砌英黃
諸詩序中坐
七人皆書官
可皆名宿花真勝豔陽風流三百載豪舉想傳觴

重陽展高會城曲策藜枝但許花經眼何嫌酒損脾
堂仍開綠野詩慢比紅兒
陳原作有金
改高字句
歌舞年來歇容予把一卮

查春山自嶺南歸以鬼子酒見餉招客同飲越日薌泉次
道古堂集中鬼子餽詩韻寄示用韻奉酬

珠江老尙耽游遨秋風起作鴈脫條何曾金富陸賈囊酤鬼子
酒裘歸槽嗜飲知我親風騷長鬢遣餉雙鉗操是亦天祿敢濫
叨天寒欲雪風颭颭荒厨檢點餘溪芼措大讌客乏羊羔酒卻
旨勝中山醪隔鉗酒波射客袍開緘品題客喧嘈謂比捫馬殊
羶臊滑淨不待畱犁撓我聞泰西競錐刀互市珍異載連艘織
成翠毼絲匪縹漆髹金范兼土陶瑱細植物到艾蒿就中美酒
非葡萄酒釀亦法異秫浙溘採椰及蔗同煎熬加蒙貝多樹割膏
菴羅作榨沈檀槽翹以片腦佛水淘想當羣倭貿易勞吹琉璃
貯爭餉窮袴縛束僅掩尻窄襟交襍短襦袖手掬而飲如猿
猱侍飲倭女顏丹桃瞳含水碧髣兩髦廁布製裙闊幅緇襦熏
篤耨香周遭毼毼戲嬰語喃喃臂鬼子母攜其曹媚倭勸飲倭
飲豪檳榔口送甜逾餠阿芙蓉管纖指拍一噴一醒衣解襦翠

藍之山高復高鯨吞鼉作波滔滔經萬里尙緘封牢蛟龍呵護
供老饕海島諸國紛牛鼈就中泰西尤桀驚異物不貴詳旅焚
籌海慎勿鼓罷鼙我家海濱接江皋女兒酒載水一篙是日復以女
兒酒飲客
重飲客酒先酩酊我醉欲眠嬾拈毫詩壇讓客舉旌旄醉眠夢
釣海上鼈泰西西望如鴻毛御風而行樂怕怕羣倭前迎聲忽
囂琤然敲琰叶琅璈嚼米哺我態儼挑露灑我衣我心忉黑風
可怕颶母號吹入鬼國魂難逃不如餘杭泛輕舸佐酒擗麟勝
持螯方平來降仙衣褭倚醉癢倩麻姑搔別公等與羣仙翺

題投壺詩冊後

楮墨流傳六十年投餐時在我生先

是冊哀於乾隆辛卯明齋師序云子館
振精堂汪氏同人投壺賦詩因以名冊

孫枝重訂金蘭簿棟蓼長存玉雪篇魯鼓敲鏗連薛鼓硯田荒
廢感桑田多君高義超凡近句其殘孤表墓阡

時敬爲師營葬附子媳
及孫凡六圓葬資大半

出首
小米

題空山古寺殘詩感舊圖

南星朱文正公於乾隆己亥庚子癸卯三過蘇嶺題詩寺壁王
畹香中丞錄以副墨自疊韻三章並索同人和作

昔年邀顧盼

乾隆丁未師視學浙江收教第一入學

始換青青

次歲以生歸諸黃鍾七排受知食餽

褻編瀑瀉瓴

嘉慶乙亥敬預清石渠寶笈錄師手書泰山古韻五入書

鴻飛分印雪

庚辰敬視學皖江見署中竹君先生遺墨猶存

因冊載先生蘇齋楹帖及之

斗建合瞻星

敬於道光癸未歸里後借陳雅谷中丞齋閣齋觀察諸公春秋祀師栗主於詒經精舍

門下門生

是傳衣愧詒經

敬辛酉歲以選拔出今宮保尚書阮公門下

不才成獲落孤負兩垂青別屢悲懷璞歌仍賞拊瓴

嘉慶乙丑師以相國衛士會聞

取敬第一距入學已十九年

殿前遲作賦天上早歸星淒絕澄懷地還

朝怕重經

敬初釋褐謁師澄懷園師曰是余曩時所取上也諄勉再四暨教乞假歸里未闕歲師歸道山矣

圖畫摹蕭寺山圍萬竹青雲烟尋往蹟榛莽慨頽瓴

畹香中丞跋語述寺中荒涼寂

冥風景
甚詳

留護煩龍象重裝煥日星白頭高弟在陳拜比遺經

謂中丞
即用中

丞後序中庚子之
日五經拜陳語

陸圓泖松風庭院圖

層巖無冬春苔蘚四時綠權奇千尺松離立山之麓山中多白
雲愛向松顛宿松與雲爭高去天不盈握下有科頭人衫屐帶
忘束危崖抱膝坐靜聽風謾謾松頂瀉飛泉松根憂修竹泠泠
太古音振響滿空谷雲山契韶護此耳何由俗披圖意惘然揮
手謝塵濁便擬三泖間茆縛數椽屋爲君撫孤桐一奏松風曲